



En vëndres, ai 28.09.2018 complësc **Maria Pitscheider** da Reslada **89** agn y **Arcangel Pitscheider** da Rainé **86** agn. Le Senioreclub y düta la Comunité ti aoda a trami dui düte le bun, sanité y benedisciun de Dî.


**Curs por geniturs:** a La Ila tia Cassa Raiffeisen, söl tema „*Crësce sö con regoles tleres*“, con Roland Feichter. Trëi encuntades, ai 09.10, 23.10, y 06.11.2018, dagnora danmisdé dales 09:00 ales 12:00. Info y prenotaziun por Lois Castlunger al nr. tel. 0471 847200.

**Camper dl Zenter Consumadus:** a La Ila, Plaza dl Ladinia, en vëndres ai 28 de setëmbër dales 15:00 ales 17:00.

**Festa por le de di Seniors:** la Ciasa de Palsa Ojöp Frëinademetz inviëia düc a n domisdé de aurela cörta cun musiga, café y val' de duc en lönesc, ai 01 de otober dales 15:30 ales 17:00.

**Grup "Atmosfera":** incuntada de creativité y de conferta en jöbia, ai 27 setëmbër dales 15.30 - 17.30 tl Raiun Sozial a Picolin cun Irina Tavella y Barbara Rungger. Info pro Sabine Rainer 0474/524519. Vignun/öna é bëgnnüs y é dër bel inviá/des.

**Proiet dla fira de spidl te Badia:** le Comun de Badia lascia alsavëi che le proiet da mëte jö la rëi dla fira de spidl te Badia röia bel plan a fin. Chi che foss ciamó interessá da taché ite la fira é peria de fá i laurs da mëte jö le ro dal tombin cina te ciasa **anter i 28 de setëmbër 2018** y dl comuniché tres e-mail ala misciun [fibra@comune.badia.bz.it](mailto:fibra@comune.badia.bz.it), dan dant che al é gnü fat i laurs, la misciun avisa dla ciasa y n numer de telefon de contat da mené inant ala dita. Do chësta data ne saral nia plü poscibl por le Comun fá i laurs de coliamënt debann y vignun messará se cruzié autonomamënter por la domanda y le paiamënt di laurs.



# Plata dla Ploania Badia San Iaco - San Linert

Ploan: **Siur Iaco Wendelin Willeit**  
Calonia Badia: **0471/839571**  
E-Mail: **parrocchiabadia@libero.it**  
Radio dla Ploania: **91,10 Mhz**

UNITÉ PASTORALA



[www.unitepastorala.org](http://www.unitepastorala.org)

Ann „B“ 23.09. - 30.09.2018 25<sup>a</sup> Domënia dl Ann n. 43



“Chi accoglie uno solo di questi bambini nel mio nome accoglie me”  
Marco 9,37

### Vangelo della prossima domenica - XXVI<sup>a</sup> Domenica anno „B“ Mc 9,38-43.45.47-48

In quel tempo, Giovanni disse a Gesù: «Maestro, abbiamo visto uno che scacciava demòni nel tuo nome e volevamo impedirglielo, perché non ci seguiva». Ma Gesù disse: «Non glielo impedito, perché non c'è nessuno che faccia un miracolo nel mio nome e subito possa parlare male di me: chi non è contro di noi è per noi.

Chiunque infatti vi darà da bere un bicchiere d'acqua nel mio nome perché siete di Cristo, in verità io vi dico, non perderà la sua ricompensa. Chi scandalizzerà uno solo di questi piccoli che credono in me, è molto meglio per lui che gli venga messa al collo una macina da mulino e sia gettato nel mare. Se la tua mano ti è motivo di scandalo, tagliala: è meglio per te entrare nella vita con una mano sola, anziché con le due mani andare nella Geëna, nel fuoco inestinguibile. E se il tuo piede ti è motivo di scandalo, taglialo: è meglio per te entrare nella vita con un piede solo, anziché con i due piedi essere gettato nella Geëna. E se il tuo occhio ti è motivo di scandalo, gettalo via: è meglio per te entrare nel regno di Dio con un occhio solo, anziché con due occhi essere gettato nella Geëna, dove il loro verme non muore e il fuoco non si estingue».

## FUNZIUNS SACRES

### 23.09. **25<sup>a</sup> DOMÈNIA dl Ann B**

- 10.00 **Mëssa por la Comunità**  
†to Florian Valentini - aniversar  
†ti Merch y Maria Irsara
- 15.00 Ora de adoraziun
- 18.00 por i novic Ines Pitscheider y Denis Moling  
†ta Anna Piccolruaz dl Zelter - aniversar  
†to Otto Pizzinini / †ta Waltraud Pizzinini  
†to Siegfried Winkler • *cianta le cor Philia* •

### 25.09. Mertesc

- 19.30 *degüna mëssa*

### 26.09. Mercui - *Mëssa cun i scolars dla elementara*

- 07.30 †ta Maria Pitscheider da Ruac - aniversar  
†ta Maria Anvidalfarei Palumbo  
†ti Giovanni y Maria Adang, Edo y Nane Alfarei

### 27.09. Jöbia - **S. Vinzenz de Paoli**

- 19.30 *Zelebrazion dla Parora*

### 28.09. Vëndres

- 07.30 †ti Herbert y Oskar Costa - aniversar  
†ta Carolina Alfarei - aniversar  
vis y †ti de Emma Burchia
- 19.30 *Prozesciun di ëi da S. Linert a Oies*


### 29.09. Sabeda – **Ss. Arcangeli Michil, Gabriel y Rafael**

- 07.30 Prozesciun da S. Linert a La Crusc
- 09.30 La Crusc: S. Mëssa  
†to siur Leo Munter / †ta Maria Pescosta De Grandi
- 11.00 Pescol: Mëssa de n miscionar
- 13.00 La Crusc: Noza de Ines Pitscheider y Denis Moling
- 14.30 Prozesciun di Ladins da S. Linert a Oies cun S. Mëssa

### 30.09. **26<sup>a</sup> DOMÈNIA dl Ann B**

- 10.00 Mëssa Grana  
†to Linert Valentin  
†ta Paula Pizzinini Auer  
†ti Angel, Tarina, Emma y Giuvani Costa  
por fam. Sandro y Emma Costa en rengraz.
- 18.00 por i novic Florian Valentin y Anca Baldau  
por i jogh defunc de nosta cüra • *cianta i Kyrios* •

## Dala VITA dla CÜRA



En sabeda, ai 22.09.2018 se á uní tl Sacramënt dl MATRIMONE Lucia Tasser cun Egon Vittur y, a Calfosch, Sabrina Monserrato cun Romeo Costa. Düta la Comunità ti aoda tröpa ligrëza y benedisciun de Dî sön so tru deboriada.

**Crejima 2019:** la incuntada di geniturs di crejimandi sará en lünesc, ai 24 de setëmber dales 20:00 tl salf di Ministranc.

**Legio Mariae:** chësc grup se abina en jöbia, ai 27 de setëmber dales 14:00 te dljia por n'ora de oraziun. Toleda pert.

**Le comité matrimone y familia** organisëia na formaziun de basa por **mësses por families (Familiengottesdienste)** che vëgn tignida da siur Tone Fiung por 2 sëres; la prüma incuntada é le mercui ai 10 d'otober dales 19.00 – 22.00 a San Martin tl Istitut. Le termin por la secunda incuntada gnará spo fat fora deboriada. Prëibel prenotesse pro Rita Pitscheider tel. nr. 342 502 0860 anter i 5 de otober.

**Kmb – l'uniun ëi dl decanat Val Badia** inviëia düc i ëi y i jogh en vëndres, ai 28 de setëmber dales 19:30 a tó pert ala prozesciun cun linternes dala dljia de Badia a Oies.

### **Jí por Sanc a Oies - Pelegrinaje dla jënt ladina, ai 29 de setëmber 2018**

L'Union Generela di Ladins dla Dolomites inviëia döta la jënt ladina a tó pert al pelegrinaje. La prozesciun pëia ia da dljia da S. Linert dales 14:30 y spo dales 16:00 sarál la S. Mëssa a Oies. Dedô pice renfrësch.

**Mëssa por i jogh defunc:** tratan la mëssa da sëra dla domënia, 30 de setëmber recordun pro i atri ince i **jogh defunc** de nosta Cüra ti ultimi agn: Eveline, Helmuth, Christof, Davide, Gerhard, Guido, Daniela P., Daniela N., Giuvani, Helga, Manfred, Gualbert y Elias.

**Chëst'edema sará siur Degan demez da en mertesc inant. En cajo de nezescité cherdede prëibel Pater Franz da Oies al nr. 0471/839635.**